



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**R. P. Joannis Nadasi, è Societate Jesu, Annus Caelestis,  
Jesu Regi, & Mariae Reginae, Sanctorum Omnium Sacer**

Anni Caelestis Dies, & Festa Mobilia

**Nádasi, János**

**Coloniae Ubiorum, 1667**

29 Feb. vel, pro die bissextili.

[urn:nbn:de:hbz:466:1-53527](https://nbn-resolving.org/urn:nbn:de:hbz:466:1-53527)

mon, nec vocibus bestiarum, nec Angeli specie, decipere potuit: cuius sanctitatem Fudbertus Abbas, à mortuis resurgens, testatus est; & post horas aliquot, iterum migravit è vitâ: cui anima Religiosi cuiusdam gratias egit, quòd precibus tuis è purgatorio ad requiem evolare: cui sacrificium incruentum celebranti Angelus ministravit: qui, inter lavandum pauperum pedes, mortuus; & columbâ, spherâque igneâ comitantibus, sepulchro illatus es: cuius feretrum, per urbem circumlatum, pestem fugavit. Doce me talem vitam ducere, qualem laudarent Sancti, si è cælo huc redirent, ac à me, de me, interrogarentur.

OMNES SANCTI, &c.  
pag. 44.

*S. MARIA, ad quam salutandam populum invitante hodierno cliente tuo, sex mensium infans, Ave MARIA distinctè recitavit. Fac me vincere humanos respectus, ac te ita, ut decet, salutare!*

29 Febr. vel, pro die bissextili.

I. **S.** MARIA, & omnes Sancti,  
Beatissimæ Virgini, olim  
in

in hac vitâ, singulari pietate ad-  
dicti: impetrate mihi amorem il-  
lum vestrum.

2. S. Angele mi Custos, & omnes  
sancti beatorum spirituum ordi-  
nes; ac omnium eorum Custodes,  
qui mei amici sunt, vel mecum unâ  
versantur, & omnium prædestina-  
torum; juvate me, ut salver.

3. Omnes sancti pœnitentes, in-  
nocentes, virgines; item conjugati  
olim; & omnes, à quibus aliquod  
beneficium unquam accepi: im-  
petrate mihi cor contritum.

4. Omnes Sancti, quos in mor-  
te, majoribus, quàm alios, dolori-  
bus, vel cœlestibus deliciis, cu-  
mulavit Deus: juvate me morien-  
tem.

5. Omnes Sancti, quibus in mor-  
te Christus, vel Beatissima Virgo,  
vel Sanctorum aliquis, apparuit,  
& ad benè moriendum juvit: ad-  
estem mihi in illo articulo.

6. Omnes Sancti, aliquam calu-  
mnia, vel tentationem fortiter  
passi: orate pro me.

7. Omnes Sancti, qui eos, qui  
in horrendo mortis agone versan-  
tur, soletis singulariter adjuvare:  
juvate et me.

8. Omnes Sancti, singulari hîc  
olim

olim doctrinâ, cum eximiâ virtute  
conjunctâ, præstantes: orate pro  
me.

9. Omnes Sancti, qui ad beatam  
vitam per ignem purgatorii pene-  
trâstis: orate pro me.

10. Omnes Sancti, qui eâ, cui  
hoc mense incumbo, virtute sin-  
gulariter excelluistis: orate pro  
me.

11. Omnes Sancti, qui heroicis  
quibusdam virtutis actibus emi-  
nuistis: orate pro me.

12. Omnes Sancti meæ nationis;  
omnes Sancti, de quibus aliquid  
unquam dixi, scripsi, audivi; quos  
unquam visitavi, invocavi; quos  
à me singulari studio coli vult deus,  
& Beatissima Dei Mater: facite, ut  
vos imiter.

13. Omnes Sancti, qui inter præ-  
destinatos omnes Deo estis proxi-  
mi, atque charissimi: orate pro  
me.

14. Omnes Electi Dei, cælo jam  
recepti, qui me hîc aliquando ad  
salutem quacunque in re juvistis,  
vel per me fortè à Deo adjuti estis:  
orate pro me.

15. Omnes Sancti, qui in eo,  
in quo ego sum, vitæ instituto,  
Deo excellentissimis modis servi-  
vistis:

vistis : facite , ut sic serviam et ego.

16. Omnes Sancti, qui dum hinc viveretis, universæ cælesti curiæ singulari studio colendæ, addicti fuistis : orate pro me.

17. Omnes sancti Religiosorum Ordinum Fundatores ; & Religiosi, ac Religiosæ omnes : orate pro me.

18. Omnes Sancti, singulares amoris Dei magistri : impetrate cordi meo amorem illum.

19. Omnes Sancti, qui divinis inspirationibus, singulari quodam studio, & accuratione, respondistis : juvate me, ut obediam Deo.

20. Omnes Sancti, qui pro aper- tis, & occultis Dei beneficiis maxi- mè grati, ac illis optimè usi fuistis : orate, ut et ego sic illis utar.

21. Omnes Sancti, qui me maxi- mè juvare potestis, ad Dei volun- tatem implendam secundum cor Dei : orate pro corde meo.

22. Omnes Sancti, qui SSS. Tri- nitati, SS. Crucifixo, SS. Euchari- stiæ Sacramento, singulari pietate addicti fuistis in hac vitâ : facite, ut sic amem et ego.

23. Omnes Sancti, qui in hac, in quâ ego nunc sum, ætate, ad æter- nita-

nita-

nitatem feliciter abiistis : facite, ut  
eò perveniam.

24. Omnes omninò Sancti, &  
Sanctæ Dei, quorum nomina sunt  
in libro vitæ : impetrate mihi, ju-  
vate me, ut Deum vobiscum vi-  
deam, & amem in æternum.

OMNES SANCTI hodiernæ,  
ac ejus diei, quâ moriar : obtinete  
mihi à Deo, qui charitas, & ignis  
consumens est, verum amorem  
Dei, hoc die, ac die mortis meæ.  
Amen.

S. MARIA, *cujus nomini, S. Of-  
vvaldus Episcopus, (hoc die, post lotos  
pauperum pedes, mortuus) vir ab An-  
gelo ad Sacrum ministro, à peste com-  
pressâ, liberatâ è purgatorio animâ,  
pulsis pane benedicto febribus, mortuo  
suscitato, mirabilis; Wigornia tem-  
plum erexit. cujus tui templi adifica-  
tionem impedire volens demon, super  
lapidem, instar athiopis, consedit, effe-  
citque, ut lapis moveri loco non posset;  
donec fuis ab Osvaldo precibus fu-  
gatus est: & lapis, quem octoginta viri  
movere loco non poterant, à paucis  
perfacile motus, ac fabrica tua ac-  
commodatus est. Osvaldus verò ibi  
sub umbrâ alarum tuarum Religiosos  
collocavit. Tolle, Domina, tolle o-  
mnia, quæ me impediunt, ne tibi ser-  
viam.*

viam, ne te amem ita, ut Deo placeat!



ANNI CAELSTIS  
MARTIUS.

*1 Martii. Kalendis Martii.*

**S** Siviarde Abba, qui, in mortuali lectulo, ajebas ad tuos: *Videbit qui vis, quàm benè nobis voluerit Deus; & illos multis, ad perseverantiam, & æstimationem gratiæ Dei, hortatus, felici adeò morte discessisti, ut anima tua, Sanctorum Apostolorum, Petri & Pauli, manibus, cælo inferri sit visa. Ora, ut æstimem gratiam Dei, & semper; ut gratia Dei in me vacua non sit, sed plena semper, usque ad mortem, usque ad æternitatem, in quâ verè videbit qui vis, quàm benè nobis voluerit Deus. Amen.*

Sancti ducenti sexaginta MM. sagittis interfecti.

S. Angele Custos, cujus cultui hodiernus dies à pluribus in Hispaniâ dedicatur.

S. Isci Ep. M. qui celeberrimæ consecrationi altaris S. MARIÆ de